



## OFFICE OF THE MUNICIPAL MANAGER

Theewaterskloof Municipality – Administrative Head Office  
6 Plein Street, PO Box 24 Caledon, Western Cape, 7230  
Tel: +27 (28) 2143300 | Fax: +27 (28) 2141289  
Website: [www.twk.gov.za](http://www.twk.gov.za)

28 Mei 2026

Mnr. D.F. Roux  
Riviersonderend

Epos: [rsebbv@gmail.com](mailto:rsebbv@gmail.com)

Geagte Meneer / Mevrouw

### **Munisipale Reaksie op Kommentaar Ontvang Konsepbegroting 2026-2027**

Baie dankie vir u skrywe en vir die feit dat u steeds jaarliks deelneem aan die begrotingsproses en u bekommernisse onder die Munisipaliteit se aandag bring.

Ons neem kennis van u frustrasie dat inwoners van Riviersonderend oor 'n lang tydperk nie die vlak van dienslewering ervaar wat hulle verwag nie, ten spyte van voortgesette tariefverhogings. U kommentaar oor grondstrate, die algemene toestand van infrastruktuur en die toenemende finansiële druk op huishoudings word erken.

Die Munisipaliteit verstaan dat bekostigbaarheid vir baie inwoners 'n ernstige uitdaging geword het, veral binne die huidige ekonomiese klimaat. Dit is juis waarom die huidige begroting opgestel is binne die raamwerk van die goedgekeurde Finansiële Herstelplan, met 'n sterk fokus op finansiële stabilisering, kostebeheer en die beskerming van kern-dienslewering.

Ons neem ook kennis van u bekommernisse rakende invorderingsvlakke en die impak wat swak betalingsvlakke op belastingbetalers het wat wel hul rekening betaal. Die verbetering van invorderingsprosesse en finansiële beheermaatreëls vorm reeds deel van die Munisipaliteit se huidige herstel- en stabiliseringsproses. In hierdie verband vergader 'n weeklikse kontantvloei Komitee reeds op 'n deurlopende basis om finansiële prestasie, uitgawes en kostebeperringsmaatreëls streng te monitor. Verteenwoordigers van die Provinsiale Regering dien ook op hierdie Komitee as deel van die toesigproses.

U kommentaar rakende die behoefte aan groter duidelikheid oor plaaslike diensleweringssallokasies en IDP-prioriteite vir Riviersonderend word eweneens

kennis van geneem. Die behoefte aan meer sigbare en plaaslike konteks tydens begrotingsvoorleggings is 'n geldige punt wat reeds interne aandag geniet.

Met betrekking tot personeelstrukture en administratiewe kostes, erken die Munisipaliteit dat inwoners groter doeltreffendheid, beter waarde vir geld en verbeterde diensvlakke verwag. Deel van die huidige herstelproses behels juis die hersiening van verouderde prosesse om die organisasie meer volhoubaar, funksioneel en beleggersvriendelik oor die lang termyn te maak.

Hoewel die huidige fase van die Finansiële Herstelplan beperkings plaas op nuwe besteding en grootskaalse uitbreidingsprojekte, bly die Munisipaliteit verbind daartoe om finansiële stabiliteit te herstel en dienslewering geleidelik te verbeter binne ons beskikbare finansiële vermoë.

Dankie vir u insette en betrokkenheid by die openbare deelnameproses. Alle openbare insette is oorweeg en bespreek tydens 'n Raadswerkswinkel wat op 14 Mei 2026 plaasgevind het. Die sake wat geopper is, is verder bespreek tydens die Begrotingsbestuurskomiteevergadering op 18 Mei 2026.

Die finale begroting, tesame met die oorweging van alle ontvangde kommentare, is by die Raadsvergadering op 28 Mei 2026 ter tafel gelê vir finale goedkeuring.

Hierdie reaksie dien as die munisipaliteit se formele antwoord oor die saak. Ons waardeer weereens u konstruktiewe insette en u voortgesette belangstelling in die ontwikkeling van Riviersonderend.

**Die uwe in Dienslewering,**

.....  
Mr. GW Hermanus  
**ACTING MUNICIPAL MANAGER**  
**THEEWATERSKLOOF MUNICIPALITY**